



## SIARAN AKHBAR PRESS STATEMENT

S.A. 2017/11/77 (HQ)

### **TNB TERUS PULIH BEKALAN, TERMASUK GUNA 38 SET JANAKUASA BERGERAK (GENSET)**

**Tenaga Nasional Berhad (TNB)** masih meneruskan kerja-kerja memulihkan bekalan, termasuk menggunakan set janakuasa bergerak (genset) ke kawasan-kawasan yang teruk dilanda banjir di Pulau Pinang.

“Anggota kerja teknikal kami seramai 160 orang termasuk dari luar Pulau Pinang bertungkus-lumus bekerja tanpa mengira penat lelah untuk menyambung semula bekalan sejak Ahad lalu,” kata Pengurus Besar Kanan (Distribution Network) TNB, Wan Nazmy Wan Mahmood.

Sehingga jam 3.00 petang hari ini, sebanyak 38 buah set janakuasa bergerak (genset) telah dipasang di kawasan-kawasan yang dikenal pasti selamat dan strategik.

Bagi kawasan-kawasan lain, bekalan elektrik akan disambung semula sebaik keadaan mengizinkan.

“Selain faktor akses ke pencawang elektrik (PE), pemasangan genset juga mengambil kira faktor keselamatan melibatkan pemasangan, warga kerja TNB serta pengguna,” katanya.

Sementara itu atas faktor-faktor keselamatan juga, 16 pencawang masih dihentitugas daripada 4,852 pencawang elektriknya di negeri terbabit.

“Kami berharap para pengguna yang masih belum mendapat bekalan elektrik dapat bersabar sementara anggota kerja kami terus berusaha memulihkan bekalan secepat mungkin,” tambah Wan Nazmy.

**Dikeluarkan di Kuala Lumpur pada jam 3:00 petang, 7 November 2017**

*Untuk sebarang pertanyaan media, sila hubungi Nor Hanim Idris (019-2617617) /  
Datuk Omar Sidek (013-3418988) atau emel ke [media@tnb.com.my](mailto:media@tnb.com.my)*